

საქართველოს მთავრობის
დადგენილება N

2023 წლის ქ. თბილისი

ცხოველთა ჯანმრთელობის დაცვის მოთხოვნებთან შესაბამისობის შესამოწმებლად
ზოგიერთი სახელმწიფო კონტროლის მინიმალური სიხშირის დამტკიცების შესახებ

მუხლი 1. სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსის 75-ე მუხლის მე-2 ნაწილის შესაბამისად, დამტკიცდეს თანდართული „ცხოველთა ჯანმრთელობის დაცვის მოთხოვნებთან შესაბამისობის შესამოწმებლად ზოგიერთი სახელმწიფო კონტროლის მინიმალური სიხშირის დამტკიცების შესახებ“.

მუხლი 2. ეს დადგენილება ამოქმედდეს ---

ცხოველთა ჯანმრთელობის დაცვის მოთხოვნებთან შესაბამისობის შესამოწმებლად ზოგიერთი სახელმწიფო კონტროლის მინიმალური სიხშირე

მუხლი 1. მიზანი და მოქმედების სფერო

1. „ცხოველთა ჯანმრთელობის დაცვის მოთხოვნებთან შესაბამისობის შესამოწმებლად ზოგიერთი სახელმწიფო კონტროლის მინიმალური სიხშირის დამტკიცების შესახებ“ (შემდგომში - წესი) ადგენს ქვემოთ ჩამოთვლილ საწარმოებში სახელმწიფო კონტროლის - კერძოდ, ინსპექტირების მინიმალურ სიხშირეს ცხოველების, გასამრავლებელი (გენეტიკური) მასალისა და იმ პირობების, რომელშიც ინახება ან იწარმოება ცხოველები და გასამრავლებელი მასალა:

ა) ხმელეთის ცხოველებისა და საინკუბაციო კვერცხის შემნახველი აღიარებული საწარმო;

ბ) მსხვილფეხა საქონლის, ღორის, ცხვრის, თხისა და ცხენის გასამრავლებელი (გენეტიკური) მასალის აღიარებული საწარმო;

გ) საქართველოს კანონმდებლობის შესაბამისად აღიარებული აკვაკულტურის ზოგიერთი საწარმო და აკვაკულტურის საწარმოს ჯგუფები;

დ) ხმელეთის ცხოველთა რეგისტრირებული საწარმოები, რომლებიც ინახავენ მსხვილფეხა საქონელს, ცხვარს ან თხას.

2. ამ წესით გათვალისწინებულ უფლებამოსილებას ახორციელებს საქართველოს გარემოს დაცვისა და სოფლის მეურნეობის სამინისტროს სახელმწიფო კონტროლს დაქვემდებარებული საჯარო სამართლის იურიდიული პირი – სურსათის ეროვნული სააგენტო (შემდგომში – სააგენტო).

მუხლი 2. ტერმინთა განმარტებები

ამ წესის მიზნებისათვის გამოყენებულ ტერმინებს აქვს შემდეგი მნიშვნელობა:

ა) **საწარმო** - ნებისმიერი შენობა, კონსტრუქცია ან, ღია ცის ქვეშ მოწყობილი მეურნეობის შემთხვევაში, ნებისმიერი გარემო ან ადგილი, სადაც, დროებით ან მუდმივად, არიან განთავსებულნი ცხოველები ან გასამრავლებელი მასალა (გენეტიკური მასალა), გარდა:

ა.ა) ოჯახებისა, სადაც შინაური ბინადარი ცხოველები ჰყავთ;

ა.ბ) ვეტერინარული საქმიანობის განმახორციელებელი ობიექტები ან კლინიკები;

ბ) **ინკუბატორი** - საწარმო, რომელიც აგროვებს, ინახავს, ახორციელებს ინკუბაციას და ჩეკავს კვერცხებს რათა მიაწოდოს:

ბ.ა) საინკუბაციო კვერცხი;

ბ.ბ) ერთდღიანი წიწილები ან სხვა სახეობის საინკუბაციო კვერცხი;

გ) **შეკრების ოპერაცია** - ერთზე მეტი საწარმოდან ხმელეთის ცხოველების შეგროვება იმ სახეობის ცხოველის შესაბამისი ბინადრობისთვის საჭირო პერიოდზე ნაკლები

დროის განმავლობაში;

დ) **ძაღლის, კატისა და ქრცვინის შემკრები ცენტრი** - საწარმო, სადაც ერთი და იგივე ჯანმრთელობის მდგომარეობის მქონე აღნიშნული ცხოველები გროვდებიან ერთზე მეტი საწარმოდან;

ე) **ცხოველთა თავშესაფარი** - საწარმო, სადაც განთავსებულნი არიან ყოფილი უმეტეაღყურეო (მიუსაფარი), გარეული, დაკარგული, მიტოვებული ან ჩამორთმეული ხმელეთის ცხოველები და რომელთა ჯანმრთელობის მდგომარეობა შესაძლოა არ იყოს ცნობილი საწარმოში შეყვანის დროს;

ვ) **საკონტროლო პუნქტი** - ადგილი, სადაც ცხოველებს ასვენებენ არანაკლებ 12 საათი ან მეტს „ტრანსპორტირებისა და მასთან დაკავშირებული ოპერაციების დროს ცხოველთა დაცვის წესის დამტკიცების შესახებ“ - საქართველოს მთავრობის დადგენილების I დანართის V თავის „1.5“ პუნქტის შესაბამისად;

ზ) **გარემოსგან იზოლირებული მწარმოებელი საწარმო** - საწარმო, სადაც მის კონსტრუქციასთან ერთად ბიოუსაფრთხოების მკაცრი ზომები უზრუნველყოფს ცხოველების წარმოების ეფექტურ იზოლაციას მასთან დაკავშირებული ობიექტებისა და გარემოსაგან;

თ) **შემოფარგლული საწარმო** - ნებისმიერი მუდმივი, გეოგრაფიულად შემოსაზღვრული საწარმო, რომელიც შექმნილია ნებაყოფლობითად და აღიარებულია გადაადგილების მიზნით, სადაც ცხოველები არიან:

თ.ა) განთავსებულნი ან გამოყვანილნი გამოფენების, საგანმანათლებლო, სახეობების კონსერვაციის ან კვლევის მიზნებისათვის;

თ.ბ) შემოფარგლული და განცალკევებული გარემოსაგან;

თ.გ) დაქვემდებარებული ცხოველთა ჯანმრთელობის ზედამხედველობას და ბიოუსაფრთხოების ზომებს;

ი) **გასამარავლებელი (გენეტიკური) მასალის აღიარებული საწარმო** - საქართველოს კანონმდებლობის შესაბამისად აღიარებული სპერმის შემგროვებელი ცენტრი, ემბრიონის შემგროვებელი ჯგუფი, ემბრიონის წარმოების ჯგუფი, გასამარავლებელი (გენეტიკური) მასალის პროდუქტების გადამამუშავებელი საწარმო ან შემნახველი ცენტრი;

კ) **აღიარებული საკარანტინო საწარმო** - საქართველოს კანონმდებლობის შესაბამისად აღიარებული საწარმო;

ლ) **აღიარებული აკვაკულტურის საწარმო** - საქართველოს კანონმდებლობის შესაბამისად აღიარებული საწარმო;

მ) **აღიარებული აკვაკულტურის საწარმოს ჯგუფი** - საქართველოს კანონმდებლობის შესაბამისად აღიარებული საწარმოთა ჯგუფი.

მუხლი 3. ინსპექტირების მინიმალური სიხშირე ზოგიერთ აღიარებულ საწარმოში

სააგენტომ მის მიერ აღიარებულ შემდეგ საწარმოებში უნდა განახორციელოს ყოველ კალენდარულ წელიწადში სულ მცირე ერთხელ სახელმწიფო კონტროლი, კერძოდ, ცხოველთა და საინკუბაციო კვერცხის და იმ პირობების ინსპექტირება, რომლებშიც ინახება ან იწარმოება ეს ცხოველები და საინკუბაციო კვერცხი:

- ა) ინკუბატორები და ფრინველის შემნახველი საწარმო;
- ბ) ჩლიქოსანი ცხოველებისა და ფრინველების შემკრები ოპერაციების განმახორციელებელი საწარმო;
- გ) ძაღლის, კატისა და ქრცვინის შემკრები ცენტრები;
- დ) ძაღლის, კატისა და ქრცვინის თავშესაფარი;
- ე) საკონტროლო პუნქტი;
- ვ) ბაზის გარემოსგან იზოლირებული მწარმოებელი საწარმო;
- ზ) აღიარებული საკარანტინო საწარმო;
- თ) შემოფარგლული საწარმო.

მუხლი 4. ინსპექტირების ერთიანი მინიმალური სიხშირე რეპროდუქციული პროდუქტის აღიარებულ საწარმოში

სააგენტომ ყოველ კალენდარულ წელს მის მიერ აღიარებული შემდეგ საწარმოებში უნდა განახორციელოს სახელმწიფო კონტროლი კერძოდ, ინსპექტირება გასამრავლებელი (გენეტიკური) მასალისა (გარდა საინკუბაციო კვერცხისა) და იმ პირობებისა, რომლებშიც იწარმოება ეს გასამრავლებელი (გენეტიკური) მასალა:

- ა) მსხვილფეხა საქონლისა და ღორის სპერმის შემგროვებელ ცენტრებში - ყოველ კალენდარულ წელიწადში სულ მცირე ორჯერ;
- ბ) კალენდარულ წელიწადში არანაკლებ ერთხელ:
 - ბ.ა) ცხვრის, თხისა და ცხენის სპერმის შემგროვებელ ცენტრებში;
 - ბ.ბ) ემბრიონის შემგროვებელ ან წარმოების ჯგუფში;
 - ბ.გ) გასამრავლებელი (გენეტიკური) მასალის გადამამუშავებელ საწარმოში;
 - ბ.დ) გასამრავლებელი (გენეტიკური) მასალის შემნახველ ცენტრში.

მუხლი 5. ინსპექტირების მინიმალური სიხშირე ზოგიერთ აღიარებულ აკვაკულტურის საწარმოში და აკვაკულტურის საწარმოების ჯგუფში

სააგენტომ უნდა განახორციელოს სახელმწიფო კონტროლი კერძოდ, ინსპექტირება აკვაკულტურის ცხოველებსა და იმ პირობების, რომლებშიც ეს ცხოველები ინახება აღიარებულ აკვაკულტურის ზოგიერთ საწარმოში და აკვაკულტურის საწარმოს ჯგუფში. ეს სახელმწიფო კონტროლი ითვალისწინებს საქართველოს კანონმდებლობის შესაბამისად აღიარებული აკვაკულტურის საწარმოს ან აკვაკულტურის საწარმოს ჯგუფების ან დამოკიდებულ კომპარტმენტში რისკის რანჟირებას, შემდეგნაირად:

- ა) მაღალი რისკის მქონე საწარმო უნდა შემოწმდეს არანაკლებ ერთხელ კალენდარულ წელიწადში;
- ბ) საშუალო რისკის მქონე საწარმო უნდა შემოწმდეს არანაკლებ ორ კალენდარულ წელიწადში ერთხელ;
- გ) დაბალი რისკის მქონე საწარმო უნდა შემოწმდეს არანაკლებ სამ კალენდარულ წელიწადში ერთხელ.

მუხლი 6. მსხვილფეხა და წვრილფეხა საქონლის ფერმებში შემოწმების მინიმალური სიხშირე

სააგენტომ უნდა განახორციელოს ყოველ კალენდარულ წელს სახელმწიფო კონტროლი, კერძოდ, მსხვილფეხა საქონლის, ცხვრისა და თხის იდენტიფიკაციისა და რეგისტრაციის ინსპექტირება იმ საწარმოების არანაკლებ 3%-ში, რომლებიც ინახავენ ამ ცხოველებს.

საქართველოს მთავრობის

დადგენილება

„ცხოველთა იდენტიფიკაცია-რეგისტრაციისა და მათი სადგომის/დროებითი სადგომის რეგისტრაციის წესების დამტკიცების შესახებ“ საქართველოს მთავრობის 2019 წლის 3 ოქტომბრის №483 დადგენილებაში ცვლილების შეტანის შესახებ

მუხლი 1.

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად „ცხოველთა იდენტიფიკაცია-რეგისტრაციისა და მათი სადგომის/დროებითი სადგომის რეგისტრაციის წესების დამტკიცების შესახებ“ საქართველოს მთავრობის 2019 წლის 3 ოქტომბრის №483 დადგენილებაში (www.matsne.gov.ge , 03/10/2019, 240110000.10.003.021503) შეტანილ იქნეს ცვლილება და ამ დადგენილებით დამტკიცებული:

1. „ცხოველთა იდენტიფიკაცია-რეგისტრაციისა და მათი სადგომის/დროებითი სადგომის რეგისტრაციის ზოგადი წესის“ (დანართი №1) მე-16 მუხლის მე-2 პუნქტი ჩამოყალიბდეს შემდეგი რედაქციით:

2. სააგენტომ უნდა განახორციელოს ყოველ კალენდარულ წელს სახელმწიფო კონტროლი, კერძოდ, მსხვილფეხა საქონლის, ცხვრისა და თხის იდენტიფიკაციისა და რეგისტრაციის ინსპექტირება იმ სადგომების არანაკლებ 3%-ში, რომლებიც ინახავენ ამ ცხოველებს.

მუხლი 2.

დადგენილება ამოქმედდეს 20?? წლის??

პრემიერ - მინისტრი

ირაკლი ღარიბაშვილი

